

INUIT ATAQATIGIIT

Inatsisartuni



18. oktober 2017

Inatsisartut suleriaasaat § 37 naapertorlugu matumuuna Naalakkersuisunut apeqquteqaat:

- 1. Meeqqat kinguaassiutitigut kanngutsaatsuliorfigineqarsimasut videokkut Politiinit apesorneqartarnerata piffissarititaasup iluani eqquutinneqartannginnerat pillugu Naalakkersuisut qanoq iliuseqarniarpat?**
- 2. Meeqqat sakkortuumik taama nalaataqarnerisa nalaani ikiorsiinissat allat suleqatigalugit Naalakkersuisut qanoq pilersaaruteqarfigaat?**
- 3. Video atorlugu apersuinnermut atortorissaarutit sumi pigineqarpat?**
- 4. Katsorsaajartorlutik angalasartoqatigiit video atorlugu apersuisinnaanermut periarfissaqarnertik ilisimavaat?**

(Inatsisartuni ilaasortaq Debora Kleist, Inuit Ataqatigiit)

Tungavilersuut:

Ajuusaarnarluinnarpoq akuersaarunaallunilu meeqqat kinguaassiutitigut kanngutsaatsuliorfigineqarsimasut ulluni taama amerlatigisuni utaqqisariaqartarnerat. Takorloorluarsinnaavarpummi meeqqamut utaqqinerup nalaani qanoq kingunerlutsitserujussuarsinnaanera, kiisalu qamuuna anniaatseqarneq meeqqap ineriartorneranut, toqqisimanissaanut aamma annertuumik kingunerluttussaavoq.

Ullut qulit qaanngiutsinnagit akineqarnissara kissaatigaara